



Nezavisni odbor
Broj:01-05-3040-37 /16
Sarajevo. 16.11.2016. godine

SAOPŠTENJE ZA JAVNOST

Nezavisni odbor podnio Prijedlog za smjenu policijskog komesara Vahida Ćosića Prijedlog dostavljen Vladi KS putem Ministra unutrašnjih poslova KS

Nezavisni odbor je nakon razmatranja analize prikupljene dokumentacije u vezi načina rada i vršenja poslova od strane Policijskog komesara Kantona Sarajevo Vahida Ćosića, a koju je prikupio shodno svom zaključku od 12. oktobra 2016 godine, u skladu sa svojim ovlaštenjima propisanim Zakonom o unutrašnjim poslovima kantona Sarajevo ("Službene novine Kantona Sarajevo" broj:1/16), na osnovu člana 33. a u skladu sa članom 49. Zakona o unutrašnjim poslovima kantona Sarajevo podnio Prijedlog Vladi Kantona Sarajevo za smjenu policijskog komesara iz razloga propisanih članom 48. stav 1. tačka c): *"Nezavisni odbor podnosi prijedlog za smjenu policijskog komesara Vladi Kantona ukoliko ne provodi mjere nadzora nad Upravom policije ili mjere nadzora nad primjenom policijskih ovlaštenja.*

Izvršenom analizom prikupljene dokumentacije kao i na osnovu informacija sa sjednica Nezavisnog odbora, utvrđeno je da policijski komesar Vahid Ćosić nije provodio mjere nadzora nad Upravom policije, niti primjenom policijskih ovlaštenja. Ustanovljeno je da je davao pogrešne i netačne podatke različitim organima zaduženim za sigurnost i krivično gonjenje počinitelja krivičnih djela, da je često bio neinformisan o pojedinim aktivnostima u kriznim situacijama, da u nekoliko slučajeva nije tražio provođenje unutrašnje istrage iako su one očigledno bile nužne i jedino moguće, da je posvetio nedovoljnu pažnju provođenju preventivno-represivnih policijskih aktivnosti radi poboljšanja osjećaja sigurnosti građana, te da su planske i organizovane aktivnosti pod rukovodstvom policijskog komesara preduzimane u pojačanom obliku nakon pritiska javnosti. Odlukom većine od 5 za i 2 protiv je usvojena odluka o prijedlogu za smjenu policijskog komesara.

Stoga je Nezavisni odbor zaključio da su ostvareni uvjeti sa smjenu policijskog komesara te je takav Prijedlog dostavio Vladi Kantona Sarajevo putem ministra unutrašnjih poslova Kantona Sarajevo.

Pored toga, Nezavisni odbor je sugerisao Vladi Kantona Sarajevo da po hitnoj proceduri traži izmjene Zakona o unutrašnjim poslovima Kantona Sarajevo, te da propiše mogućnost da se na Konkurs za policijskog komesara mogu prijaviti i kandidati sa činom Samostalni inspektor. Naime, na posljednjem Konkursu za policijskog komesara Kantona Sarajevo prijavila su se dva kandidata od kojih je nakon provedene konkursne procedure Nezavisni odbor imenovao Vahida Ćosića. Prema informacijama nadležnog Sektora za pravne,



kadrovske, logističke poslove, edukaciju i analitiku Uprave policije, u toku 2015 i u 2016 godini provedena je procedura i u čin glavnog inspektora unaprijeđen jedan policijski službenik. Nezavisni odbor također raspolaže informacijom da je određen broj policijskih službenika raspoređen na poslove za koje je predviđen čin Glavni inspektor ali da isti nisu unaprijeđeni već poslove obavljaju kao vršioци dužnosti u činu Samostalni inspektor. Iz tih razloga, a obzirom na činjenicu da se na ovaj Konkurs redovno prijavljuju kandidati iz MUP-a Kantona Sarajevo, Nezavisni odbor smatra da je potrebno proširiti bazu za izbor policijskog komesara kako bi na ovu poziciju došao što kvalitetniji kandidat.

NEZAVISNI ODBOR